

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
n/r g. Mirza Čelik, Predsjedavajući Skupštine  
n/r g. Anis Krivić, Ministarstvo za obrazovanje, nauku i mlade

## ZASTUPNIČKO PITANJE

### nastavak 22. Radne sjednice Skupštine Kantona Sarajevo

1. Da li resorno ministarstvo posjeduje informaciju koliko djece iz specijalnih škola nakon završene osnovne škole završi u Pazariću, a koliko njih upiše srednje škole i zaposli se?
2. Na 35. Radnoj sjednici Skupštine Kantona Sarajevo održanoj 15.11.2017. jednoglasno je usvojen Elaborat - Inicijativa za osnivanje JU Naučni centar za podršku inkluziji. Šta se uradilo po tom pitanju?
3. Nacrtom budžeta KS za 2020. godinu Ministarstvo za obrazovanje, nauku i mlade za Implementacija Strategije i realizaciju zaključaka Skupštine KS za rad sa djecom sa poteškoćama u razvoju planirano je 1.800.000 KM;
4. Centru Vladimir Nazor planirano je 2,9 miliona KM zbog predškolskog programa, a u 2018/2019 je već prebačeno 1,2 miliona za provedbu istog, ali djeca s poteškoćama u razvoju uključena u predškolski program u okviru Centra Vladimir Nazor ni nakon više od mjesec dana od početka drugog polugodišta u Kantonu Sarajevo nisu krenula u svoju školu ili vrtić. Ogromna šteta se čini ovoj djeci svakim danom koji provedu u kući, umjesto u školi.
5. Roditelje i građane žele znati kakav je njihov status trenutno, tj. kada se može očekivati da će se ponovo početi raditi sa tom, sada već sistemski zapostavljenom djecom?
6. Da li je ova veoma duga pauza bila neophodna i ko je za nju odgovoran tj. ko će snositi posljedice za štetu nanesenu djeci s obzirom na to da je novac za rad s njima prethodno obezbijeđen?
7. Da li ste upoznati s tim da će se isti problem pojaviti i u septembru jer konkurs raspisan od strane Centra Vladimir Nazor koji je u toku pokriva samo period do 30.06. tekuće godine?
8. Da li je to sistemsko rješenje koga su ovoj Skupštini bila puna usta, ili je to adekvatna implementacija Elaborata izglasanog 2017?

9. U medijima se često navodilo da je jedan od razloga za zastoj rada sa djecom sa poteškoćama u razvoju "veto" koji je stavljen na konkurs za uposlenike u Centru Vladimir Nazor koji bi radili sa ovom grupom djece. Taj "veto" su stavili predstavnici Kantonalnog odbora Samostalnog sindikata osnovnog obrazovanja i odgoja FBiH na čelu sa Saudinom Sivrom tražeći da se, u skladu sa zakonom, uposli dovoljan broj defektologa. U vezi s tim građani imaju sljedeća potpitanja:

1. Kako se ovaj Odbor sindikata može uopće baviti pitanjima predškolskog, a ne isključivo pitanjima osnovnoškolskog odgoja i obrazovanja, kako stoji u naslovu Odbora?
2. Na koji se zakon poziva ovaj Odbor ako nije upoznat da, po Standardima za predškolski odgoj i obrazovanje, odgojno-obrazovne grupe ne vode defektolozi, već je to samo slučaj u osnovnim školama za specijalni odgoj i obrazovanje? Da li se u ovom slučaju radi o elementarnom nepoznavanju zakona, kako predstavnika sindikata, tako i onih kojima "prijete" nepostojećim zakonskim regulativama, ili se pak radi o združenom, namjernom i svjesnom kršenju zakona?
3. Da li ste primijetili da je stavljanje interesa, mišljenja, tumačenja i prijetnji zakonima (koje, usput rečeno, ni sami ne poznaju) od strane bilo kojeg, pa i samozvanog, tj. fiktivnog sindikata, ispred interesa naših građana, roditelja i djece sa poteškoćama u razvoju, rezultirao potpunim zastojem rada sa tom djecom koja su sedmicama i mjesecima kod kuće, pri čemu se njihovo stanje rapidno pogoršava? Mislite li da takvo društveno neodgovorno ponašanje treba javno osuditi, pa i sankcionisati?

*— PISMENI ODGOVOR —*

Sarajevo, 11.03.2020. godine

SAMOSTALNI ZASTUPNIK



Damir Nikšić